

菩提道次第攝頌論

序分...皈敬頌...禮敬釋迦世尊

俱胝圓滿妙善所生身。成滿無邊眾生希願語。

如實觀見一切所知意。釋迦教主尊前稽首禮。

序分...皈敬頌...禮敬文殊彌勒菩薩

無比導師最勝之長子。負荷佛陀一切事業擔。

變現化身遊戲無量刹。彌勒文殊菩薩前頂禮。

序分...皈敬頌...禮敬龍猛無著菩薩

甚深難量勝者之般若。如實闡釋密意南洲嚴。

名稱普遍宏傳於三域。龍樹無著足下我敬禮。

序分...皈敬頌...禮敬阿底峽尊者

融攝二大車軌善傳承。深見廣行無絲毫錯謬。

圓滿道之心要教授藏。敬禮持此教藏阿底峽。

序分...皈敬頌...禮敬一切善知識

遍視無量佛語之眼目。賢士往趣解脫最勝道。

悲心撼動方便善開演。示道知識諸尊我敬禮。

明所詮法之殊勝...明法源清靜

南洲一切智者之頂嚴。美名飛幡眾中極響亮。

經由龍樹無著二菩薩。漸次善傳菩提道次第。

成滿一切有情之希願。故此教授亦如寶中王。

能匯妙善經論之千流。亦猶具德善說之大海。

明所詮法之殊勝...明所詮義殊勝

通達一切聖教無相違。一切佛語皆現為教授。

易於獲得聖者之密意。救護免墮大惡之險崖。

故為印度西藏諸智者。諸多善事所依聖教授。

於此三士菩提道次第。智者之心何能不歡喜？

明所詮法之殊勝...明說聞勝利

一切佛語心藏之要義。於此道理一做作講聞。

應當思維必定能獲得。聽聞講說正法諸大利。

正宗分...道之根本親近善知識

所有現世來世諸福聚。能善成辦此因之根本。

謂由勤於意樂及加行。如理依止示道善知識。

知己縱遭命緣不捨離。如教修行供養令師喜。

瑜珈行者我亦如是修。汝求脫者亦應如是行。

正宗分...既親近已修心次第...取心要之次第...於有暇身勸取心要

此暇滿身勝於如意寶。能獲是身亦僅有此次。

難得易失如空中閃電。思維此諸道理即了知。

世事猶如簸揚穀糠秕。故應晝夜攝取心要義。

瑜珈行者我亦如是修。汝求脫者亦應如是行。

正宗分...既親近已修心次第...取心要之次第...共下士道...念三惡道苦 皈

依三寶

死後難保不墮諸惡趣。能救此畏唯是三寶尊。

是故應使皈依及堅固。終不毀犯皈依諸學處。

正宗分...既親近已修心次第...取心要之次第...共下士道...思維業果

又復善思黑白業果已。方能如理取捨勤修持。

瑜珈行者我亦如是修。汝求脫者亦應如是行。

正宗分...既親近已修心次第...取心要之次第...共下士道...淨修三業

若未獲得圓具德相身。修習聖道進程極緩慢。

故應修學此之圓滿因。淨治三門所染罪惡垢。

正宗分...既親近已修心次第...取心要之次第...共下士道...依四力懺悔

淨除業障尤為切要者。故應恆常依圓滿四力。

瑜珈行者我亦如是修。汝求脫者亦應如是行。

正宗分...既親近已修心次第...取心要之次第...共中士道...思維苦集二諦

發出離心

若不勤思苦諦諸過患。不生真實求解脫之心。

不思集諦流轉之次第。不知斷除生死根之理。

應厭三有而希願出離。了達生死為何所繫縛。

瑜珈行者我亦如是修。汝求脫者亦應如是行。

正宗分...既親近已修心次第...取心要之次第...上士道...發菩提心

發心乃為大聖道之梁。菩薩廣大行持之根基。

於二資糧猶如點金漆。攝集無量善聚之福藏。

佛子勇士如是了知己。執持菩提心寶為心要。

瑜珈行者我亦如是修。汝求脫者亦應如是行。

正宗分...既親近已修心次第...取心要之次第...上士道...學大乘行...總學
菩薩行...總學六度...學布施

施乃成滿眾願如意寶。斬斷慳貪結使最勝劍。

勇捍心力所生佛子行。美名遍揚十方之根基。

如是知己智者恆依止。盡施身財善根之善道。

瑜珈行者我亦如是修。汝求脫者亦應如是行。

正宗分...既親近已修心次第...取心要之次第...上士道...學大乘行...總學
菩薩行...總學六度...學持戒

戒如水能洗滌惡行垢。亦如月光能除煩惱熱。

處眾生中如須彌威嚴。不以力恐眾生咸禮敬。

如是知己於所受淨戒。諸善士夫守護如眼目。

瑜珈行者我亦如是修。汝求脫者亦應如是行。

正宗分...既親近已修心次第...取心要之次第...上士道...學大乘行...總學
菩薩行...總學六度...學忍辱

忍為力士殊勝妙莊嚴。催伏煩惱最勝之苦行。

嗔恚毒蛇之敵金翅鳥。遮粗語刀亦如堅韌甲。

如是知己以諸多正理。修持殊勝忍辱之鎧甲。

瑜珈行者我亦如是修。汝求脫者亦應如是行。

正宗分...既親近已修心次第...取心要之次第...上士道...學大乘行...總學
菩薩行...總學六度...學精進

若披堅固不退精進甲。教證功德增長如初月。

一切所行皆具足義利。隨所做事悉皆如意成。

如是知己佛子勤修持。淨除一切懈怠大精進。

瑜珈行者我亦如是修。汝求脫者亦應如是行。

正宗分...既親近已修心次第...取心要之次第...上士道...學大乘行...總學
菩薩行...總學六度...學禪定

禪定於心如權勢國王。安住不動亦等同須彌。

起定遍緣一切善所緣。能引身心輕安之大樂。

如是知己修持瑜珈王。催伏散亂之敵恆修定。

瑜珈行者我亦如是修。汝求脫者亦應如是行。

正宗分...既親近已修心次第...取心要之次第...上士道...學大乘行...總學
菩薩行...總學六度...學智慧

慧乃觀照深空之眼目。根除輪迴根本之勝道。

一切聖言所讚功德藏。譽為滅除痴暗最勝燈。

如是知己求解脫智者。發大精進修習此妙道。

瑜珈行者我亦如是修。汝求脫者亦應如是行。

正宗分...既親近已修心次第...取心要之次第...上士道...學大乘行...總學

菩薩行...別學子觀...明止觀法修中觀慧

若見僅修專注之禪定。無力斷除輪迴之根本。
若離止道幾多修觀慧。亦未堪能斷除諸煩惱。
故須究竟通達空性慧。騎乘堅固不動寂止馬。
執持離邊中觀智利劍。破除一切邊執所緣境。
更以如理觀察廣大慧。增長了悟空性之智慧。
瑜珈行者我亦如是修。汝求脫者亦應如是行。

正宗分...既親近已修心次第...取心要之次第...上士道...學大乘行...總學

菩薩行...別學子觀...修止觀雙運道

非僅專注修持能引定。即由如理所行妙觀察。
亦見堪能引發緣空性。無動至極堅固三摩地。
是故於此止觀二雙運。勤修習者乃是最稀有。
瑜珈行者我亦如是修。汝求脫者亦應如是行。

正宗分...既親近已修心次第...取心要之次第...上士道...學大乘行...總學

菩薩行...別學子觀...修智慧方便雙運道

定中修習如虛空空性。後得修習如幻化空性。
稱讚雙運智慧與方便。能達菩薩乘行之彼岸。
如是知己諸具智慧者。不恃片面之道而自滿。
瑜珈行者我亦如是修。汝求脫者亦應如是行。

正宗分...既親近已修心次第...取心要之次第...上士道...學大乘行...別學

金剛乘

如是於此因與果大乘。二種勝道所須共通道。
如實生已依善舵手怙。趣入續部教法廣大海。
修習圓滿殊勝之教授。或此暇身具足大義利。
瑜珈行者我亦如是修。汝求脫者亦應如是行。

回向分

造此正為修習自心故。兼為利益諸於善士夫。
諸佛所喜圓滿清淨道。淺易宣說所獲諸福德。
祇願一切諸有情含識。永不離此清淨妙善道。
瑜珈行者我亦發是願。汝求脫者亦應如是發。